

inflexa, aculeis geminis divergentibus. *Decand. pl. succ. p. 151. t. 151.*

Habitat *h. C.*

Caules spithamaei plerumque simplices, compressi, carnosi; seniores uno latere convexi, altero planiusculi, hinc obtuse trigoni apparent. *Petala* subrotunda integerrima, sub lente adspecta, tenuissime fimbriata.

†† *Fruticosae inermes. Caulis nec dichotomus nec umbelliferus.*

5. EUPHORBIA *Caput medusae.*

E. inermis imbricata, tuberculis, folio lineari instructis, floribus subpedunculatis, petalis palmatis. Sp. pl. ed. W. 2. p. 887.

Habitat ad Cap. b. spei. h. T.

* 6. EUPHORBIA *Ornithopus* *).

E. inermis tuberculata, tuberculis folio oblongo caudico instructis, pedunculis solitariis ternisve unifloris terminalibus, petalis tripartitis.

Euphorbia Ornithopus. Jacq. fragm. bot. t. 120.

Habitat ad Cap. b. spei. h. T.

Pedunculi uniflori bracteis binis ellipticis sub flore instructi. *Affinis Euphorbiae Anacanthae sed flores pedunculati et petala profunde tripartita nec tridentata.*

*) Hujus tribus sunt, inter multas novas, sequentes praecipue memoratu dignae:

EUPHORBIA *aphylla.*

E. inermis nuda aphylla ramosa, ramis tetragonis, floribus solitariis terminalibus.

Euphorbia aphylla. Broussonet.

Habitat in Teneriffa. h.

EUPHORBIA *atropurpurea.*

E. inermis fruticosa, foliis lanceolatis apice confertis integerrimis, umbella terminali sessili, radiis dichotomis, involucellis connatis coloratis:

Euphorbia atropurpurea. Broussonet.

Habitat in Teneriffa. h.

Rami crassitie fere digiti minoris. *Folia* in apicibus ramorum conferta sessilia bipollicaria lanceolata basi angustata obtusiuscula integerrima glabra. *Umbella* terminalis quinqueradiata sessilis, radiis dichotomis. *Involucella* atropurpurea, dichotomiae oblonga unguicularia, terminalia multo majora subrotunda connata.